



Universitätsbibliothek Paderborn

Hierakosophion

Demetrius <Pepagomenus>

Lvtetiae, 1612

xlivi. Ad euulsionem vngium.

urn:nbn:de:hbz:466:1-12846

fractum imponunt, & ad sanitatem perducunt.

Ad accipitrem aucupari nolentem.

LA SERIS siliquas treis, in aquam addito, ligulas duas dato cum carne edendas per triduum. Quidam mandragoræ radice fumigant, & confessim promptum ad aucupandum reddunt. Alij argemonia fumigant: sed & carnes, quas comedit, suffitu lustrant.

Ad euulsionem vnguium.

CV M accipitris vnguis excussum est, si excussum inueneris, illum reponito; sin minus, alium vnguem mollem accipitris sumito ipsius digiti, qualiscumque est siue medij, siue calcaris. ita sanabis. Sanguinem pulli columbini, aut ramentum taurinæ collæ, quantam tribus digitis capere possis, comburito, donec in puluerem redactum sit: deinde mastichæ sumito granaria, myrrham, thus, arsenicum, trita super vnguem imponito cum sanguine columba feruenti, & reple ipsum vnguem, ac infige in locum, vnde excidit: facito ex dura pelle loculamentum pro magni-

tudine digiti, & ligato pulcre, & in quatuor dies ipsum liberum dimitte in tegeticulam, nutriendis ipsum carnibus feruefactis posteaque ad venationem educito. Si vnguis radicitus sit excussus, confessim injecta face locum comburito, & sanguis sistetur: Vel sumito ex lucerna ea quæ de stillant, subter eius collum, hisque locum affectum linito. Sed cito renascetur, si ita curabis. Absinthium silvestre cum axungia suilla contundito, saccumque ex aluta factum, præscriptis malagmatibus implebis, eum induces in vnumquemque digitum, vnde vnguis euulsus sit, & ligabis, & tertio quoque die mutabis, & sanabitur. Vel ossa palmarum cum vna tamnia & melle contrita, linteoque illita affectum locum obligabis, & cito vnguis exoriatur. Vel thus masculum aqua frigida diluito, eoque locum foueto, & sanabitur. Vel butyrum cum ramento corij elaborati iniicito in digitum, vnde vnguis excidit, & ad iusta perducetur.

Ad tremorem accipitris.

TREMORE exhorrescere accipitrem cognosces, cum habet pinnas ut stru-

T ij

